

AFRICA.

12

Dancali & Dobas. *Aethiopia Inferior* sive exterior est Australis Africa pars, Ptolemæo incognita, Ejus initium est ad Occasum supra Zaire fluvium, non longe ab Æquatore, totamq; complectitur littoralis Africa partem, ultra ipsum Æquatorem usque ad fretum Arabicum. Regiones ejus quinque, *Aiana* terra, in qua Regna *Del & Adea Magaduzzum*: Terra *Zanguibara*, cuius Regna *Melinda, Mombazza, Quiloa, Mozambique, Monæmuci, Cefala, Monopotapa, Torra & Butua, Casrorum* regio, & *Manicong*, cuius Provincia lex, *Sunde, Pango, Songo, Bamba, Barra, & Pemba*, quibus adduntur Regna *Angola, Loangi, & Anzichi*. Lacus aliquot immensi sunt in Africa, qui Maria potius esse videantur, quorum præcipuus est *Zembre*, cuius ambitus ad quinquaginta mill. patet, ex quo profluunt, *Nilus, Zaire, & Cuama* amnes. Habet etiam hæc Orbis Terrarum pars immensos fluvios, *Nilum, Nigrum, Senagam, Cambram, Zaire, Cuamam, & Spiritus Sancti flumen*, qui omnes inundatione sua, terram mirifice rigant, ac fertilem reddunt. Habet præterea Montes plurimos, & maximos, inter quos principem locum tenet *Atlas*, qui immanibus altisque jugis, è media arenarum vastitate consurgens extollitur, utpote supra nubes: adeo ut eius cacumen prospici nequeat. *Columnam Celi* Indigenæ nuncupant. Incipit ab Occasu, ubi & Atlantico Mare nomen imponit, inde perpetuo dorso variè flexus extendit sese Orientem versus: ad confinia Ægypti est rotundus, arduus, incisus rupibus præceps, ac invius, frigidissimus, nemorosus, scatebris fontium riguus, Montis huius vertex altis etiam æstate nivibus operitur: quinetiam & eius dorsum in crudecente Borea nonnumquam altâ nive arbores superante tegitur, quâ tam pecudes quàm homines interimuntur. Præterea Mons altissimus *Sierra Lione* dictus, cuius vertex semper nubibus obumbratur, ex quo terribilis tumultus & fragor in Mari auditur, unde & Leonum rupes dicitur. Montes item Lunæ veteribus etiam cogniti sub Tropico Capricorni locantur, asperrimi sanè, ac incredibili altitudine, à gentibus steris inhabitati, prope quos sunt valles immensæ profunditatis, adeo ut illic centrum terræ esse videatur. Sunt denique, *Cantaberes* Montes in Angolæ Regno Argenti fodinis ditissimi, & aliis quos in particularibus descriptionibus recensebimus. *Insula* autem circa Africam nobiliores hæ sunt. In Oceano Atlantico est *Insula portus Sancti*, est *Madera*, sunt *Canaria, & Caput viride*. *Insula Portus Sancti* sic dicta à detectoribus, qui periculosa ac dubia eius navigatione emensa & superata, hunc locum sic vocari in rei memoriam voluere. Ambitus eius circiter quindecim milliarius. *Madera* à magnâ quæ hîc crescebat arborum copia nomen accepit. Peridromus eius circiter centum & 40. milliarius. *Canaria* sic dicta à Canum quæ ibidem erat, multitudo: *Fortunate* à veteribus olim nominabantur. Plin. sex commemorat: *Ombrio, Iunoniam majorem, Minorem, Caprariam, Nivariam, & Canariam*. Ptol. nominat *Aprojuum, Heram, vel Autolalam, Plutaliam, Casperias, Canariam & Centuriam*, omnesque rectâ fere in Septemtrionem lineâ disponit. Cadamustus decem, septem cultas, tres desertas: nomina cultarum sunt, *Fracta lanceæ, Magna sortis, Grancanaræ, Teneriffæ, Gomera, Palma, Ferro*. *Caput viride* arboribus virentibus consitum est, atq; ex eo nomen habet, *Insulæ* eius Occidentem versus medio Oceano jacent. Sunt autem *S. Antonij, S. Vinc. S. Lucie, S. Nicolai, Salis, Bona vista, Maggio vel May, S. Jacobi, & Ignis*. In Oceano Æthiopico sunt *Insula Principis, & S. Thomæ*, Post promontorium Bonæ spei sunt aliæ *Insulæ*, incultæ omnes præter unam *S. Laurentij*.